

VOCABOLARIO
ITALIANO-PIEMONTESE

A

A BACIO

ABBIADARE

- A** bacio, avv. *a ponent.*
- A** bandita, avv. *publicament, an publich.*
- Abao**, n. *abà, cap, regolator, diretor, v. g. d'l tau-las, d'l bal, ecc.*
- A** bardosso, avv. *adoss, sule spale, a col.*
- A** barella, avv. *a cabassà, a carà.*
- Abbacare**, v. *anbrojesse ant 'l partè, sturnichè.*
- Abbacchiare**, v. *pertiassè, bate, sbate con na pertia, sopatè, v. g. le nous, ecc.*
- Abbaino**, n. *lusel, soffièta.*
- Abballinare**, v. *anbalè.*
- Abbambagiare**, v. *anbouti.*
- Abbandonarsi**, darsi perduto, v. *perdse d'corage.*
- Abbarbagliare**, v. *sbaluchè.*
- Abbarbagliato**, part. *sbalucà,*
- Abballuto**, part.: corline del letto abbattute, *bas-sà, tirà giù.*
- Abbatuffolare**, v. *angioi-resse, cariesse d'abit.*
- Abbatuffolato**, part. *carià d'abit, angioirà, angioi-ronà.*
- Abbertescarsi**, v. *armesse, fortifichesse.*
- Abbeveraticcio**, n. residuo di liquore lasciato nel vaso da chi ha bevuto prima, *vansoui.*
- Abbeverato**, n.: bere il suo abbeverato, *beive al so bicer, tachè so mal.*
- I Veneziani dicono: bere le so bellezze.**
- Abbeveratojo**, n. *bèvoira, treu.*
- Abbiadare**, v. *dè la biava, opp. semnè la biava.*

- Abbicare, v. *fe d'cheur, d'borle, anborle.*
- Abbiosciare, v. *dvèntè giaun, floss, debil.*
- Abbindolare, v. *troucionè, anganè, trapolè, anfnojà.*
- Abboccare v. *beive alla bouta, alla boteglia, butesse la bouta al mostass.*
- Abboccato, agg. *ch'a mangia d'tut, d'bouna bouca, e talora galup, bouca frësca, bouca fina: vino abboccato, vin abocant.*
- Abboccatotojo, n. *bouca d'le fornase.*
- Abbominazione, n. *veuja d'canpè via, mal a 'l cheur, mal d'cheur, nausea.*
- Abbonire, v. *rendi bon, fig. mitighè.*
- Abborracciare, v. *fe a la bruta pes, sciapinè, ciavatìnè, parlè anberboujà.*
- Abbottinarsi, v. *ribelesse, amutinesse, solvesse.*
- Abbozzaticcio, agg. *ancor nen madurà, anvairà, anvair, apena abossà.*
- Abbozzolare, v. *fe 'l coccon.*
- Abbracciaboschi, n. *brasabosch.*
- Abbrancare, v. *ciapè con forza, con violenza.*
- Abbrividire, v. *fe saruss.*
- Abbrivo, n. *andi, slans, sbruèta, moviment: prender l'abbrivo, pièl'andi, butesse an camin.*
- Abbronzare, v. *brusè legerment, abrustoli.*
- Abbronzito, abbrustolito, rami.
- Abbruciare, v.: *abbruciar l'alloggiamento, brusè 'l pajen, butè la ciav sot l'uss, andessne senza paghè 'l fit.*
- Abbruciaticcio, n.: *saper d'abbruciaticcio, savei d'brus, savei d'rami.*
- Abbrustiare gli uccelli pelati, abrustoli, sbianchi la volaja.
- Abbrustolare, v.: *fig. fe suè la lingèria al feugh o al sol. V. adustare.*
- Abbrustolire, v. *tostare il caffè, l'orzo, brusè 'l caffè, l'ordi.*
- Abbrucinare, v. *sonè d'la tromba, e fig. sturdi, sturdi, anlochì, sciorgnè.*
- Abburattarsi, v. *sbatse, sbatta.*
- Abetella, n. *rëma.*
- Abigeato, n. *furt d'bestiam.*
- Abigeo, n. *lader d'bestiam.*
- A bilico, avv. *a brus.*
- A bioscio, avv. *për travers, a travers, d'garela, për bëscans, d'ghinda.*

- A bisdosso**, avv. *a sdoss, senza sela, su le spale, a baticòle.*
- A bomba**, avv. *da cap: tornare a bomba, tornè da cap.*
- A bracaloni**, avv. *a la cagassa.*
- A braccetto**, avv. *an brassèta.*
- A braccia quadre**, avv. *a brassà, con gran piacere.*
- A braccia**, avv.: *fare alle braccia, giughè a brass.*
- A braccio**, a braccetto, avv. *an brassèta.*
- A bruno**, avv.: *vestirsi a bruno, vèstisse da deul, portè 'l deul.*
- Abside**, n. *volta, arch.*
- A cacajuola**, avv. *a la scagassa.*
- A casso**, avv. *a carà, a galossà, an gran quantità.*
- A calo**, avv. *al consum.*
- A calzoppo**, avv. *a sopet: camminare a calzoppo, marcè a pè sopet.*
- A cavalcione**, a cavalluccio, avv. *a baticòle, gamba d'sa, gamba d'la; a carabocce.*
- A cavaliere**, avv.: *stare a cavaliere, trovesse sull'aut, sla somità, esse al dsora.*
- A cavalluccio**. *V. A cavalcione.*
- Accaffare**, v. *piè, ciapè, raspè, raspignè, ciapè con impeto, con furia.*
- Accagliare**, v. *coajè.*
- Accalappiare**, v. *sèrchè d'anganè, d'ambrojè, d'andolupè, angavignè, tirè ant la trapola.*
- Accanare**, v. *arlasse i can, fig. andè sle furie.*
- Accannellare**, v. *fè la roucà, anrouchè, butè sla rouca; fè le spole (term. dei tess.).*
- Accapacciato**, agg. *ch'a l'a la testa greva, pèsanta.*
- Accapezzare**, v. *ricapitolè, conchiude, butè ansem, terminè na cosa.*
- Accapigliarsi**, v. *sbrinesse, piessè pèr i cavei, pèr i brin.*
- Accappare**, v. *gropè, liè, principalment le somà.*
- Accasciamento**, n. *fiaca, debolèssa, gargaria, acidia, loira, abatiment d'fòrse.*
- Accasciare**, v. *doventè fiap, sentisse manchè le fòrse, i brass.*
- Accasciato**, agg. *fiap, fiapi, ch'ai manca le fòrse, i brass.*
- Accattamori**, n. *annamorà.*

- Accavigliare, v. *davanè su na cavia.*
- Accecare finestre, e simili, *mureje, anuleje, stopeje.*
- Accecar piante, *gaveje i but, sborgneje.*
- Accettare, v. *ciapè con i dent, adentè; propri d'le bestie.*
- Acceggia, n. *bècassa*: pigliar l'acceggia (in tempo di verno star aspettando lungo tempo), *pernisè.*
- Accellana, n. *mesa lana* (term. merc.).
- Accenditojo, n. *cana pèr vischè le candeile, miccia pèr dè feu al canoun.*
- Accentare, v. *butè j'accent, pronunsiè con l'accent.*
- Accercinato, agg. *sèrcià*: *fait a forma d'sercc.*
- Accerto, n. *certèssa, sicurèssa.*
- Acceso, agg.: *conto acceso, cont duert.*
- Accessare, v. *fèrmesse.*
- Accesso della febbre, *arpij d'la frev.*
- Accosta, n. (da acciare, *ciapulè*), *pitapiola, trinet, appia.*
- Accettare, v.: accettare a rotta, *ciapè tut, riceve bon e gram, piè com a ven a ven.*
- Accettatore, n. *parsial.*
- Acchiocciolato, agg. *quacià, aquacià.*
- Accia, n. *canoa filà, accia torta o ritorta, fil tort; strument da taj, piola, appia.*
- Acciabattamento, n. *ciavatinada, travai mal fait, sciapinà.*
- Acciabattare, v. *V. Abborracciare, acciarpare.*
- Acciaccare, v. *fiachè, sgnachè*: acciaccarsi un dito, *fiachesse un dil.*
- Acciaccato, part. *fiacà, pista, pist, amacà, sgnacà.*
- Acciajato, agg. *sislà*: vino acciajato, *vin frà.*
- Acciapinare, v. *sciapinè, ciavatinè, fè anpressa e mal, travajè a la diavola, a la bruta pes; andè an colra.*
- Acciare, v. *ciapulè, ciapulè.*
- Acciarpare, v. *sciapinè, ciavatinè, travajè a la carlona.*
- Acciarpatore, n. *sciapin.*
- Accigliarsi, accipigliarsi, v. *crosiè i sign, fè ccrabrusca, fè 'l morodan.*
- Accileccare, v. *lusinghè,*

- fè d'carèsse pèr otnì quai cosa, mincionè.*
- Accincignare, v. *tirè su la vesta pèr nen sporchela, artrossela; accincignarsi, argauesse.*
- Acciuffare, v. *piè pèr i brin, pèr i cavei.*
- Accivettato, accivito, agg. *furbass, driton; accivito, provist.*
- Accivire, v. *provède, fè provista.*
- Acclive, agg. *ert, montuos.*
- Accoccarla ad alcuno, v. *ficheita, feila beive.*
- Accoccolarsi, v. *quacesse, crocionesse.*
- Accoccolato, part. *quacià, crocionà, quacionà.*
- Accogliticcio, agg. *radunà an pressa, senza distinction, confusament, mach a sit.*
- Accollatario, n. *coul ch'a s'adossa i peis, i debit d'quaicun.*
- Accolta, n. *acogliensa, riceviment; radunansa, riunion, assemblea.*
- Accomandolare, v. (t. de' less.), *giuntè.*
- Acconciar la ragione: *aggiustè i cont, acconciarsi con uno; butesse a so scrivissi. Acconciarsi. V.*
- Allindarsi.
- Acconcio, agg. *adatà, dispost.*
- Accontarsi, v. *abouchesse, agiustesse, trovesse.*
- Accontato, part. *informà, istrut.*
- Acoro falso, medicinale, *liri giun.*
- Accosciarsi, v. *coacesse.*
- Accostante, p.: *abito accostante, vèsti da festa; vèsti fait a so doss.*
- Accostarsi di far qualche cosa, *ingegnesse.*
- Accotonare, v. *frisè 'l pann, cardè, scardassè 'l coton.*
- Accovacciarsi. V. *Accoccolarsi.*
- Accovonare, v. *angiavè, fè le bourle, anbourlè.*
- Acefalo, agg. *senza testa.*
- Acerho, agg. *bruschet, beus.*
- Acerro campestre, n. *obi.*
- Acervo, n. *mugg, baron, monton.*
- A cespo a cespo, avv. *a boucc.*
- Acetabolo, n. *vinagriè.*
- Acetarie, n. *erbe acetarie, erbe ch'as mangio an saladà.*
- Acetosa, n. (erba), *asivola.*
- A chiocciola, avv. *a lumassa.*
- A cianta penzoloni, avv. *a la seagassa, parland d'causset; a scarpèta, parland d'scarpe.*

- Acino, n. *asinel d' uva, e anche coul granel oh' as treuva ant l' asinel, smens.*
- A còmpito, avv.: lavorare a còmpito, *travajè a fature.*
- A còtimo, avv. a bota, a impresa.
- A covo, avv. a giouch, a giass; fig. *sul fait.*
- Acqua, n.: voler venir all' acqua chiara, *vorcine veni al ciair.*
- Acqua acconcia, n.: *rinfresch d' acqua con sucher e asil o limon; limonada.*
- Acqua di spigo, n. *acqua d' lavanda.*
- Acquajo, n. *d' acqua; condout, solch fait a travers del camp per ricere e tramandè l' acqua ai altri solch.*
- Acquajuolo, n. *pradaroul, bialor.*
- Acquazzone, n. *temporal, pieuva a versa, slavass.*
- Acquerello, n. *acquèta, acqua passà s' la rapa, pichèta, picèrta, pouasca.*
- Acqueruggiola, n. *piouvèta, picita pieuva, piuvolina, ronina.*
- Acquidoccio, acquidotto, n. *condot, canal murà pèr fè andè l' acqua da un leugh a l' altri.*
- Acquitrino, n. *pantan, moujiss.*
- Acquivento, n. *slavass, orissi.*
- Acuminato, part. *pointu, avuss, uss.*
- Adagiare uno, v. *somministrèje 'l necessari.*
- Adagiarsi, v. *stesse, astesse, piè tutt' i so comod.*
- Addarsi, v. *acòrsèsse, avei mangià la feuja.*
- Addaziare, v. *butè, stabilè un dassi.*
- Addensarsi, v. *dventè spess, anspèssisse, coajè, cremè; fig. nuvolesse.*
- Addentellato, sost. *morsa.*
- Addogato, fatto a doghe, agg. *fait con le dous, fait a forma d' doue.*
- Addopare, v. *butè apress, dare.*
- Addoparsi, v. *butesse dare, apress.*
- Adduare, v. *chèrse 'l dobi, dobiè, duplichè.*
- Addurare, v. *indurì, rende dur; aspètè, tolèrè, suffri, diseri.*
- Aderbare, v. *mnè, sorti j' animai all' erba, al pascol.*
- A dilungo, avv. *d' sequit, senza interussion.*
- Adimare, v. *bassè.*
- Adipo, n. *grass, grassa.*

- Adiposo, agg. *motoben grass.*
- A disgrado, avv. *a dispet, mal volontà.*
- A dispetto, avv. *a contra peil, al contrari, a dispett.*
- Ad ogni piè sospinto, *vira-voltà, ben soens.*
- Adombrarsi, v. *piesse ombra d'qua cosa.*
- Adonestare, v. *giustificchè, de color o apparenza d'giustissia a quaich ossion, coonestè, scusè, difende.*
- Adontare, v. *nacè, mortificchè, umiliè, ofende.*
- Adontarsi, v. *ofendus, facesse, pichesse.*
- Adopiare, v. *dè l'andurma, de l'opio.*
- Adulterare, v. *anfaussi, faussificchè.*
- Adunco, agg. *fait a croch, a rampin, croch: naso adunco, nas aquilin.*
- Adunghiare, v. *sgrasignè, grinfe.*
- Adusarsi, v. *acostumesse, assuefesse.*
- Adustare, v. *brusè, brustoll.*
- Aerofobo, agg. *ch'al'apaura d'aria.*
- Afa, n. *affann, agitassion, palpitassion.*
- Afato, avv. *com' a ven a ven.*
- Afatuccio, agg. *gram, gramet, malsan, maladiuss.*
- Affaldare, v. *rimpieghè, arpieghè, artroussè, argaucè.*
- Affannone, n. *facendon, factotum, brigaire, ficanas, martin piccio.*
- Affardellato, part. *ansagolà, angioirà.*
- Affascinare, v. *incantè, anciarmè, anmaschè, malifissie.*
- Affascinato, part. *anganà, delus, anciarmà, ancantà, nonstu, malifissia, anmaseà, nosù.*
- Affatappare, v. *anciarmè. V. Affascinare.*
- Affatappiato. *V. Affascinato.*
- Affatturare. *V. Affascinare.*
- Affatturato. *V. Affascinato.*
- Afferrare, v. *piè, ciapè con violonsa; butè radis: afferrar bene; fig. capi ben.*
- Affellare, *tajè a fèle, e fig. ostentè, afetè, fè l'afetà, imitè.*
- Affettarsi, v. *vèstisse con afetassion.*
- Affiato, n. *feudatari.*
- Affibbiato, part. *botonà.*

- Affilarsi**, v. *butesse an fila.*
- Affocamento**, affocatura, *ausfreidor, rancedine, an-sariara.*
- Affocato**, part. *ausfreidà, ansari, ranch, rance.*
- Affiorato**, part. *travaja a fior, fioragià.*
- Affocalistiare** (l. de' dis.), *sbordè, sbavè.*
- Affogare una figliuola**, *mariela mal, rompic 'l col.*
- Affoltarsi**, v. *se an pressa e mal, ecc., core gran mond ant un post, ecc; mangè a chërpa pan a.*
- Affoltata**, n. *gran concors d' gent, motoben d' gent.*
- Affossare**, v. *se dij foss.*
- Affossatore**, n. *sotror.*
- Affralare**, affralire, v. *indebolì, levè le forse.*
- Affrappare**, v. *tajè, trincè, se a toch, se a binde.*
- Affrontamento d' eserciti**, n. *fatto d' arme.*
- Affusolare**, v. *butè sul fus; affusolarsi, fig. abelisse për comparì. V. Azzi-marsi.*
- Affusolato**, part. *drit com un fus, fig. V. Allin-darsi.*
- A fidanza**, avv. *con confi-denza, senza sugession, familiarment, liberament.*
- A filo**, avv. *a perfession, a puntin, për drissura: es-sere a filo, esse pront.*
- A fine forza**, avv. *an tut e për tut, totalment.*
- Africogno**, agg. *aserb, bruschet.*
- Afro**, agg. *ajre, bruschet, tra brusch e amar, acid, aserb.*
- A frusto a frusto**, avv. *a toch, a tochet, a tock a tock.*
- A gabbo**, avv. *da burla: avere, prendere a gab-bo, stimè poch, se quan cas, pè a se.*
- Agarico**, fungo medicina-le, *galitole, agarich.*
- Agàta**, n. *ujà d' fil.*
- Aggangerarsi**, v. *tuì dur, tuì fort, stè sodo.*
- Aggavignare**, v. *piè për 'l col, ciapè con forza, e tuì fort.*
- Aggechhire**, v. *avili, mor-tificchè, umiliè.*
- Agghermigliare**. V. *Ab-brancare.*
- Aggiogare**, v. *butè 'lgiough, giunse i beu, e sim.*
- Aggiornare**, v. *fissè 'l di.*
- Aggirare**, v. *fig. inganè, balotè, angavignè, sèrchè d' trapolè, d' troucionè, rablè, mandè da Erode a Pilat, anbabiolè,*
- Aggirare orsi**, *scimie e si-*

- mili, mnè antora pèr le
 contrà d'j ors, d'le su-
 mie, fè balè l'ors, ecc.
- Aggirato, part. balotà, tra-
 polà, anganà, anbabiolà,
 mandà da Erode a Pilat,
 mnà pèr 'l nas.
- Aggobbire, v. dventè gheub.
- Aggomitolare, v. angrum-
 lissè, fè d' grumissei.
- Aggottare, v. gavè l'acqua
 dant la nav con la pom-
 pa.
- Aggraduirsi, v. sèrchè d'en-
 trè o d' butesse an gras-
 sia, angrassianesse.
- Aggrassare, v. grinfè, sgra-
 signè, ciapè con forza,
 anbranchè, robè.
- Aggranchiarsi, v. anrupis-
 se, argrignesse, angrum-
 lisse.
- Aggranchiato, aggrizzato,
 aggrinzato, part. rupi,
 argrignà, angrumli, an-
 pèssi, anbèssi.
- Aggrancire. V. Aggrassare.
- Aggraziato, agg. manieros,
 ch'a l' à un bel trat, un
 bel fè.
- Aggrezzito, part. reid d'
 fruid.
- Aggrottare le ciglia, crosiè
 i sign, fè bruta cera.
- Aggrovigliare, v. angar-
 bojè, anbërbojè.
- Aggrovigliarsi, v. scara-
- bojèsse, scarabotesse, an-
 bërbojèsse, gropesse.
- Aggrovigliato, part.: filo
 aggrovigliato, fil ch' as
 anbërboju, ch'as groupa
 ansem, scarbojà, scara-
 botà, scarabojà.
- Aggrumarsi, v. (dicesi del
 latte), trinchè, quajè.
- Aggrumato, part. a grum,
 quajà, trincà.
- Aggrumolare, v. fè dij ba-
 ron, dij baronct.
- Agguantare, v. anbran-
 chè.
- Agguardare, v. guardè ben,
 lumè o slumè ben.
- Agguatato, part. apostà,
 aspètà.
- Agguatello, n. strem.
- Agguato, n. insidia, tra-
 pola, machinassion.
- Agguindolamento, n. an-
 fenojura, ingan.
- Agguindolare, v. davanè;
 fig. anganè.
- Agguindolo, n. davanoira,
 vindo; fig. malissia, fur-
 baria, ingan, machinas-
 sion.
- Agguzzare tutti i suoi fer-
 ruzzi, agiutesse d'pè e d'
 gambe, butè 'l sèrvel a la
 tortura.
- Agguzzare le bellezze. V.
 Allindarsi.
- Aghirone, n. airon, siron.

- Agiamento, n. *leugh comun*, comond.
 A gitto, avv. *adritura*, *subit*, *d' slans*, *sul moment*.
 Agliata, n. *rustia d'ai*, *bagnet*, *saussa a l'ai*.
 Agliette, n. *ale dij pèss*.
 Aglio selvatico, *ai d' luv*.
 Agocchia, n. *agucia a uso d' brodè*.
 Ago scrutato, *agucia con 'l pèrtus rot*.
 Agone, n. *agucia ch' le done a porto an mes ai cavei*, *sponton*.
 Agorajo, n. *ch' a fa e ch' a vend d' jagucie*, *e stucc d' juje*.
 A gran fatto, ad assai, avv. *d' gran lunga*.
 A grato, avv. *gratis*.
 Agresto, n. *uva brusca*, *a-serba*, *agrest*: far *agresto*, *robè sta speisa*, *com' a fan certe servente o domestich*.
 Agresto, agg. *brusch*, *ancor nen madur*.
 Agro, agg. *brusch*, *bruschet*, *acid*.
 Agugliata, n. *ujà d' fil e sim*.
 Agutello, n. *broca*, *brochèta*, *ciodin*.
 Aguto, n. (chiodo), *ciò*; agg. *uss*, *pontù*.
- Aguzzino, n. *lagosin*, *ch' a mena le man*.
 Aja, n. *aira*, *eira*, *era*.
 Ajato, andar ajato, *andè d' sà e d' là senza proposit*, *girandolè*, *fè l' ouloch*.
 Ajerino, agg. *color turchin*, *asur*.
 A josa, avv. *motoben*, *a baron*, *a fouson*.
 Ajuola, n. *preus*.
 Ajuolo, n. *rei pèr ciapè j' osei*.
 Ala: stare in sull'ale, *esse li*, v. g. *pèr partì*; allargare le ale più del nido, *fè d' pì d' lo ch' a porta 'l propri stat*, *fè 'l pass pi lung'h ch' la gamba*.
 Alanelto, n. *doughin*, cane d' Inghilterra.
 Alare, v. *tirè le barche con le corde*.
 Alare, n. *brandè*: essere fra gli alari e il pignattino, *esse tra 'l martel e l'ancuso*.
 Alato, agg. *ch' a l' a j' ale*.
 Al balzo, avv. *al vol*, *a la volà*.
 Alberello, n. *arbarela*, *barato da spèssiari*, *vaset d' pòmada*, o *d' euli d' odor* (t. de' prof.).
 Alberese, n. *pera da causina*.

- Albero in palmetta, *erbo a spalera*: albero segaticcio, *bon a fè d'j'ass*.
- Albero morticino, *erbo mort an pè, mort an pianta*.
- Albiccio, agg. *bianchet*.
- Albicocco, albercocco, n. *pianta d'arbicoch; albicocea (frutt.) arbicoch, armognan*.
- Albugine, n. *bianch d'l'eui*.
- Albumo, n. *bianch d'l'euw, ciaira d'euw*.
- Al dichino, avv.: andare al dichino, *deperì, andè an declinassion, andè mancanè*.
- Alenare, v. *ranfìè, tranfìè, respirè, fiatè, fiatè, e anche respirè difcilment*.
- Alenoso, agg. *asmaticch*.
- Alessifarmaco, n. *contra-velen, antidoto*.
- Alette, n. pl. *ale dij pèss*.
- A lettere d'appigionasi, *a letere d' scatola; fig. fora dij dent*.
- Alfana, n. *cavalla*.
- Al fin del fatto, avv. *alla fin fin, finalment, al fin dij cont, an conclusion*.
- Alga, n.: vestir d'alga o sala, *anpajè, v. g. le cadreghe*.
- Algheruolo, agg. *borios, vanaglorios*.
- Aliare intorno, v. *fè la ronda*.
- Alice, n. *anciouva*.
- Alidire, v. *sèchè*.
- Alido, agg. *ravassù, ravliù, cocionu*.
- Alidore, n. *suitina*.
- Aliotto, n. *paraman*.
- Alla, n. *ala d'la piassa*.
- Alla francesca, avv. *alla franseisa*.
- Allampanato, agg. *maire com' un ciò; ch'a l'a pè nen ch' la pel e j'oss, spall, spalid, ch'a sta su pèr lo ch'a peisa*.
- Allanciarsi, v. *slansesse, desse l'andi, desse nè slans*.
- Alla più fraida, *a la pes andè*.
- Allappare, v. *fè saruss mangiand' fruta aserba*.
- Allargarsi di una cosa, *parlene a lung, an d'isteis, fè d' disertassion*.
- Alla spacciata, *ant un moment, subit, sul camp, vist e pris, sul colp*.
- Allassato, part. *stanch, strach*.
- All'avvenante, *a proporsion*.
- Alleficare, v. *anradisese, butè radis*.
- Allegato, agg. *lià, uni, acompagna; e talora so-*

- stant. *document, carte, scriture.*
- Allenare**, v.: *allènare un cavallo, strachè un caval.*
- Allentare**, v. *arlamè, arlassè, dēsbandè, moulè.*
- Allentato**, p. *dēsbandà, arlamà, arlassà.*
- Allenzare**, v. *fassè, bindè.*
- Allestirsi**, v. *desse ardriss, butesse all'ordin, an camin, an tren.*
- Allezzare**, v. *spussè.*
- Aliare intorno**, v. *fè la ronda, andè girondoland, girondolè.*
- Allibire**, v. *dventè bianc com na pata, vni spali, sentisse vni mal.*
- Allidire e allidirsi**, v. *vni pass, floss, biet.*
- Allietare**, v. *raiegrè, rende alegher, butè d' bon umor.*
- Allificare**, v. *cortegè, fè la court, adulè, sulìè.*
- Allignare**, v. *anradisesse.*
- Allignarsi**, v. *radisesse, familiarisesse.*
- Allindarsi**, v. *butesse an parada, archinchesse, artapesse, ardrisresse, tifesse, butesse an chichera, cincinesse, butesse in elegansa, adobesse, fesse bel, cioncionesse.*
- Alliso**, p. *pistà, scarpisà, sgnacà.*
- Allocco**, n. (ucc.), *ciouch, e fig. badè, badola, fa-seul, tabalouch.*
- Allodola**, n. (ucc.), *lòdola, taragna.*
- Alloggiato**, agg. *pìen d' gieui.*
- Alloppare**, v. *fè saruss.*
- Alloppiare**, v. *dè l'andurmia, dè l'opio; fig. tirè a 'nbrojè, anfnojè, anbabolè, andurmì.*
- Alloppiato**, part. *andurmì, ansignochi, ansupì.*
- Alloppio**, n. *andurmia.*
- Allucciare**, v. *guardè ben fìss, adocè, smirajè.*
- Alluda**, n. *basana, cheuir sutil, marochin.*
- Allungare**, v.: *far allungare il collo, fè spetè 'l mangè, e sim.; allungar il collo, aspètè con gran veuja e impassiensà.*
- Allupare**, v. *avei gran fam.*
- Alluvione**, n. *inondassion, allagament.*
- Alno**, n. *orm.*
- Alopecia**, n. *rasca, tigna, maladia ch'a fa caschè i cavei.*
- Al postutto**, avv. *a la fin dij fin, finalment, an conclusion.*
- Al rezzo**, *all'ombra.*
- Altalena**, n. *bauti d' ass an cros.*

- Altalenare, v. *bautiesse*.
 Altana, n. *galaria*.
 Altezzosamente, avv. con *superbia, con auteur*.
 Alticcio, agg. a *mesa broca, mes anbriach, un poch alegher*.
 Alveare, n. *buss d'ayie*.
 Alveo, n. *let d'fium*.
 Alvo, n. *ventre*.
 Alzagna, n. *corda d'le nav*.
 Alzaja, n. *corda d'le nav, gran corda pèr atachè o unì na barca con l'otra*.
 Alzare il fianco, v. *mangè tautament*.
 Alzar i mazzi, v. *aussè le sole, festa, sbignessla*.
 Alzata, n. *strada elevata lungo i fiumi, canali o stagni, aussà*.
 A macca, a macco, avv. *abondantement*.
 A mal in corpo, a *contra cheur, contra veuja, a stracheur*.
 A mano manca, a man sinistra, *da la man mancina*.
 Amanza, n. *metressa*.
 Amaraco, n. *magiorana*.
 Amarasca, marasca, n. *griota, sorta di ciriegia*.
 Amarasco (liquore), n. *ratifià, amaraschin, ecc., griotada*.
 Ambassi, n. *i doi ass: aver fatto ambassi in fondo, avei mangià tut 'l fait so, andè 'n malora, esse a l'ablativ*.
 Ambiare, v. *andè d'ambla*.
 Ambio, n. *ambla, pass ordinari*.
 Ambra, n. *nusch, sucin; ambra gialla, sucin*.
 Ambracane, n. *odor d'nusch, d'sucin*.
 Ambrare, v. *dè l'odor d'l sucin, d'l nusch*.
 A merletti, a *pisset*.
 A mezzo punto, a *mes band*.
 Amfibio, agg. *ch'a viv ant l'acqua o fora d'l'acqua*.
 A mia, tua, ecc. *posta, a me, a to comod, o piassi*.
 Amiccare, v. *schissè l'eui*.
 A micino, avv. *a pèssià, a poch pèr volta, con economia, a bërlich*.
 Ammaccare, v. *sgnachè, sbèrgnachè*.
 Ammacchiarsi, v. *stèrmesse ant la bussonà*.
 Ammagliare, v. *liè ben streit*.
 Ammaliare. *Ved. Affascinare*.
 Ammaliato. *V. Affascinato*.
 Ammandolata, n. *bevanda o vivanda fatta con d'mándole*.
 Ammanettare, v. *butè le manète, i poles, i toto*.

- Ammanieramento, n. *afelassion, ricercatèssa.*
- Ammannamento, ammannimento, n. *preparasion, preparativ.*
- Ammannare. *V. Accovonare.*
- Ammannato, ammannito, p. *preparà, pront.*
- Ammartellato, p. *inamorè, tormentà da la gelosia.*
- Ammassare, ammassiocciare, v. *radunè, anbaronè, fè dij mass, butè ansem.*
- Ammatlassare, v. *butè an marele, fè d' marele, ammarlè.*
- Ammattonare, v. *fè 'l paviment, sterni, tivole.*
- Ammazzare, v. *fè dij mass; fig. massè.*
- Ammazzerare, v. *campè ant 'l mar quaicun con na pera al col, con le man e i pè lià, cusì ant un sach.*
- Ammazzerato, p. *induri: pasta ammazzerata, pasta indurita, pasta indurita, vnua dura o sèca; terra ammazzerata, terren batù, pista.*
- Ammiccare, v. *fè segn con j'eu.*
- Amminicolare, v. *pentalè.*
- Ammogliatore, n. *sensal d' matrimoni.*
- Ammoinare, ammuinare, v. *gnognè, fè d' gnagne, fè d' sarèss, mignotè.*
- Ammoinato, p. *gnougnà.*
- Ammollare, v. *butè a meuj, moujè, anupè, radossi, rende mol.*
- Ammontare, v. *radunè.*
- Ammentatamente, avv. *a mugg, senza nèssun ordin, a monstruch.*
- Ammonicare, v. *anbaronè.*
- Ammonicellare, ammoniticchiare, ammonzicchiare. *V. Aggrumolare.*
- Ammersellato, n. *pitansa d' carn tria e d'euo sbattù, aci, saussa d' bujè.*
- Ammortare, ammortire, v. *dèstissè.*
- Ammoire, v. *dvantè fiap, floss, fiapì.*
- Ammoscilo, p. *fiap, fiapì, floss.*
- Ammostare, v. *fè 'l vin, pistè l'wa ant la tina e sim.*
- Ammozicare, v. *tajè a tochet.*
- Ammozicato, part. *tajà a tochat.*
- Ammusarsi, v. *riscontresse faccia a fascia, muso a muso: diceasi delle bestie.*
- Amor di parte, spirit d' parti.
- Amorino, n. (t. di bot.), *ressedan.*

- Amoscina, n. *darmassin*.
 A mucchi, avv. *a boucc*.
 Anagallide, n. *erba d' j'osei, pouvroigna*.
 Ancajone, n. *rancsand, rancassand*.
 Ancipite, agg. *d' doubi taj; incert, dubios, anfibio*.
 Ancroja, n. *masca, strega*.
 Andar a babbo riveggoli, *andè a fè d' coup*.
 Andar diulato, diviato, filato, *andè drit ant un post*.
 Andar di raddoppio, v. *trotè*.
 Andare, n. *uso, usansa, pratica, vial dij giardin, tea*.
 Andare, v.: andare a banco, *andè al tribunal*.
 Andare a camera, *andè al comod*.
 Andare a capo rotto, o col capo rotto, *rèstè al d' sout*.
 Andar ad oste, *andè a la guera*.
 Andare a grucce, *andè con le crosse*.
 Andare al bosco, *montè (parland d' bigat)*.
 Andare al cassone, *andè a fè d' coup*.
 Andare al morto, *andè a-compagnè 'l cadaver*.
 Andare alle parate, o alla parata, *sèrchè d' difendse, riparesse*.
 Andare a mazza, *andè al bastonet*.
 Andare a monte (term. di giuoco), *fè, o andè a mond, tornè mèscè, tornè fè*.
 Andare ancajone, *ranchè-sè, andè soupiand, rancassand, ranchsand*.
 Andare a predellucce, *esse portà an papacarea*.
 Andare a rilento, *minojè, banblinè, andè con pè d' piomb*.
 Andare a riporsi, *andè a stèrmesse pèr la vèrgogna*.
 Andare a sella, *andè al comod*.
 Andare a tocca e non tocca, *andè a brus, a broua*.
 Andare a vanga, *andè ben, riussi*.
 Andare a veglia da alcuno, *andè a passè la seira*.
 Andare a zambra, *andè a posè le braje*.
 Andare a zonzo, *girondolè*.
 Andare coi calzari di piombo, *andè con pè d' piomb*.
 Andare di mezzo, rimetterci del suo, *esse pià d' mes, scapitè*.

- Andare di rondone, *andè d'incanto, benissim, andè a fil.*
- Andare in santo, *andesse a fe lèvè d'part.*
- Andare in serbo, *andè in educassion ant un monèstè, intrè ant un monèstè pèr esse educà.*
- Andare in visibilio, *andè an tërle, an breu d'faseui o d' lasagne, o an gloria ant un sèstin.*
- Andare in zurlo, *avei 'l giget, nen podei stè ant la pel.*
- Andare largo, *andè con le gambe larghe.*
- Andare per cambiatura, *andè pèr posta.*
- Andare per le fratte, *andè an malora, andè d'l cul, rèstè decot.*
- Andare per la maggiore, *esse d'l prim ordin d'la nobiltà.*
- Andare per uno, *andelo a ciamè, a trovè.*
- Andar gironi, *rondolè.*
- Andar in groppa, *esse accessori.*
- Andarsene catellone, *andesne con j'orie basse, o con j'ale basse.*
- Andarsene in pampani, *chèrscè senza portè frut, deperì, svanì.*
- Andar tirato, *andè fier, senza salutè, nè guardè gnun, avei un ton, un'aria da Artaban.*
- Andato, n.: dare l'andato, *dè moviment, dè l'andi, butè an tren.*
- Andato, p.: fare andata una cosa, *pi nen conteje ansima, buteje dsora 'l micon d'Natal, buteje un mon unsima.*
- Andazzo, n. *moda, usansa, uso, costumansa: andazzo di malattie, influuss, influenza, frequensa.*
- Andito, androne, n. *corridor, andit.*
- Anelare, v. *tranfiè, sboufè, sofè, boufè.*
- Anelito, n. *dificoltà d'respirè, pulpitassion.*
- Anello da cucire, *dial, e anche dital.*
- Anello della chiave, *testa d'la ciav.*
- Anfanare, v. *tranfiè, fig. ciarlè senza proposit.*
- Anfania, n. *ciapolada.*
- Anguillare, n. *taragna, rèssa, filar d'vis, filagn, autin.*
- Aniceto, n. (erba), *tnea, tneja.*
- Anima del gomito, *anima d'l grumissel, gangai.*

- Animella, n. *lacet* (t. de' macellaj).
- Animo, n.: prender animo addosso ad alcuno, *pieje 'l dessù, butejè 'l pè sul col.*
- Anisetto, n. *licor fait con d'anis, acqua d'anis.*
- Anitra, n. *ania*: anitra archettola, *ania greca.*
- Anitrotto, anitrino, anitrello, n. *aniot.*
- Annaffiatojo, n. *bagnoira, bagnor.*
- Annaspamento, n. *davanura.*
- Annaspate, v. *davanè su l'aspa, sul vindo, su la davanora; fig. radoutè, vanegiè, delirè.*
- Annaspato, p. *davanà.*
- Anneghittire, v. *ampigrisse, impoltronisse, avei la fiaca adoss.*
- Ansamento. V. Anelito.
- Ansare. V. Anelare.
- Antenne d'insetti, v. g. *d'le boje, corn.*
- Antesignano, n. *coulch'andava dnans con le ansègne ant le legion romana; fig. guida, magister, capscola.*
- Anticheggiare, v. *andè, vive a l'antica.*
- Anticresi, n. *pegno d'beni stabil.*
- Antidata, n. *data faussa.*
- Antifato, n. *contradota.*
- Antiguardo, n. *vanguardia.*
- Antilogia, n. *contradission ant 'l discours.*
- Antimuro, n. *parapet, muret.*
- Antiporta, n. *vestibol, atrio.*
- Antitesi, n. *contrapost.*
- Anto (n. d'ucc.), *barbisa.*
- Antropofago, n. *mangiator d'omini.*
- A occhio e croce, a occhi e croci, *a la grossa, grossolanament, a l'ingross.*
- A ogni piè sospinto, avv. *minca poch, ogni tant.*
- A oltraggio, avv. *fora mèsura, senza discession.*
- Aoppiare, v. *dè l'opio, dè l'andurmia.*
- Aorcare, v. *strangolè con na corda.*
- A orza, avv. *a sinistra.*
- A pelo, avv. *a brus, a puntin, a perfession, a bala d'sciop.*
- Apertura branchiale, n. *oria dij pess.*
- A pezza, avv. *da gran temp.*
- A pezzuoli, avv. *a tòch, a tochet.*
- Apiajo, n. *coulch'a la cura d'l buss d'j avie.*

- Apiario, n. *aviè, buss d' avie.*
 A picco, perpendicolarmente, avv. *a pich.*
 A piuolo, avv.: *star a piuolo, stè a bada;* porre, mettere, tener a piuolo, *fè spètè un, buteje nom spetmesi.*
 A pizzico, avv. *a pëssià.*
 Apoča, n. *scrittura d'un contrat.*
 Apocrifo, agg. *nen autentic, fauss.*
 Apografo, n. *copia d' liber, o d' scrittura.*
 A pollajo, *a giouch.*
 A posta fatta, avv. *determinatament, a bela posta.*
 Appallottolare, v. *fè d' balot, fe d' balote.*
 Appallone, n. *facendon, factoto, intrigant, ficheto.*
 Appanciolarsi, v. *strojassesse.*
 Appannato, agg.: *vino appannato, vin fiori.*
 Apparecchiarsi. *V. Allestirsi.*
 Appariscente, agg. *vistos, d' bela apparenza, elegant, d' bela mina.*
 Appassare, appassire, v. *dèventè fiap, floss.*
 Appassito, agg. *floss, spluffri, fiap.*
 Appenare, v. *suffri.*
- Appennecchiare, v. *variè la rouca.*
 Appezzare, v. *tajè a toch, fè a toch.*
 Appiastrare, appiastricare, v. *ampiastrè, anpaptè, tachè con d' paparota.*
 Appiastro, n. *melissa, sitronela.*
 Appiccagnolo, appiccatojo, n. *granpin, ansin, croch.*
 Appiccarla ad uno, *fichela, feila.*
 Appiccatojo. *V. Appiccagnolo.*
 Appicco, n. *pretest, scusa;* dare appicco; *dè speransa, fè sperè.*
 Appigionare, v. *afitè na cà.*
 Appigliarsi, v. *fè presa; radisesse.*
 Appillottare, v. *fig. fèrmesse ossiosament ant quaich leugh senza saveine sorti, piantesse lì.*
 Appinzare, v. *punse, morde,* detto *d' le mosche, dij tavan* e simili.
 Appio sedano, n. *seler, seleri.*
 Appollajarsi, v. *andè a giouch.*
 Appreso, preso, ecc. p. *coajà; anradisà.*

- Approdare, v. *abordè*.
 Approvecciarsi, v. *fè dè j'avans, butè da banda*.
 Approvedutamente, avv. *con prudensa, con astusia*.
 Appuntare, v. *ambastì; fè la punta; fig. biasimè, riprende*.
 Appuntatura, n. *anbastiura; fig. riprension, annotation*.
 Appurare, v. *unì al cclair*.
 A prezzo fermo, a cotimo, *a bota*.
 Aprich, agg. *espost al sol*.
 A procurazione, avv. *a istigassion*.
 A proda, avv. *a broa, a riva, sull'orlo*.
 Ara, n. *altar*.
 A ragguaglio, avv. *a proporsion*.
 Arancia, n. *portugal*.
 Aranciata, n. *orangiada*.
 Aranciato, n. *color d'portugal*.
 Aranciera, n. *sitronera*.
 Arare col bue e coll'asino, *ajutesse d'pè e d'gambe*.
 Arare diritto, v. *righè drit, fè so dover pontualment*.
 A raso, avv. *a ras, pien a ras*.
 Aratro, aratolo, n. *sloira, arn*.
 Aratura, n.: fare la seconda aratura, *arfranse*.
 Arazziere, n. *lapissè*.
 Arazzo, n. *tapiss*.
 Arcadore, arcatore, n. *ch' a tira d'l'arch; fig. poch d'bon, baloss, truffador*.
 Arcame, n. *carcassa, scheletro*.
 Arcare, v. *tirè d'l'arch, d'la balestra; fig. inganè, truffè, trocionè, anpichè*.
 Arcato, agg. *gobù (coll'o stretta)*.
 Arcavola, n. *mare d'l bisnono*.
 Arcavolo, n. *pare d'l bisnono*.
 Archeggiare, v. *andè gheub, pieghè o torse a forma d'arch*.
 Archipenzolo, n. *piombin*.
 Arcifanfano, n. *gascon, pistafum, fanfaron, spaccon, blagheur*.
 Arcionare, v. *anslè*.
 Arcionato, p. *anslà*.
 Arcoa, n. *arcova*.
 Arco del violino, *archet; arco baleno, arch ansiel*.
 Arcolajo, n. *vindo*.
 Arcoreggiare, v. *boufè, rutè, tirè d'rut*.
 Arcuato, agg. *piegà a forma d'arch*.

- Arcuccio, n. *serc d'la cuna dij bambin.*
- Ardesia, n. *losa.*
- Ardiglione, n. *ferruzzo appuntato che è nella fibbia, ardion, bogiarin.*
- Arditore, n. *incendiari.*
- Arefatto, part. *sech, sècà.*
- Arenare, v. *angiairè, ansabiè: arenare le stoviglie, sgurè la bataria d' cusina.*
- Arenato, p. *angiairà.*
- Arenoso, agg. *sabios, sabionù.*
- Areola, n. *pcita preus.*
- Arfasatto, agg. *ciuciafurmie, magher, gracil, strisoulin, malfourgia.*
- Argano, n. *burlora, strumento di legno per uso di tirar in alto gran pesi per le fabbriche.*
- Argentiera, n. *minera d'argent.*
- Argine, n. *argin, caussagna, ripar.*
- Aria spirata, *aria colà; rendere aria ad alcuno, smieje.*
- A riciso, avv. *brevement.*
- A ridosso, avv. *adoss, al d'soura.*
- Arieggiare, v. *dè d'aria a un, smiè a quaicun.*
- Arietare, v. fig. *urtè, butonè, bulonè.*
- A rifar del mio, i *na rëspondo.*
- A rifiuto, avv. *a carà, copiosament.*
- A rilente, a rilento, avv. *adasi, con circospession.*
- Ariolo, n. *andvin, strologo.*
- Arioso, agg. *bisar, caprisios, vistos.*
- A ripentaglio, avv. *a risigh, in perieol.*
- Arista, a rista, n. *vorca, rësca d'l gran e simili, schina d'l porss.*
- A ristretto, avv. *da sol a sol, a testa a testa, senza t'estimoni.*
- A ritaglio, avv. *al mnu, al detai.*
- A ritroso, avv. *a contra pcil, al contrari, a l'arculon.*
- Armajuolo, n. *armurè.*
- Armatura di legname, *senter.*
- Armeggiare, fig. V. *Abbacare.*
- Armella, armilla, n. *brasslet.*
- Armellina, n. *pel d'martora.*
- Armoraccio, n. *ramolass.*
- Arnesato, agg. *armà.*
- Arnica, n. *buss d'avie, cassièta d'le avie.*
- Aromalico, agg. fig. *mou-schin, stissos.*

- Arpese**, n. *grapa*.
Arpicare, v. *ranpiè sul'erbo*, e fig. *fantastichè, armanachè, fè d'castei an aia*.
Arpione, n. *poles*.
Arra, n. *capara*.
Arrabbiare le vivande, *feje cheuse an pressa*.
Arraffare, v. *ranchè, scianchè d'an man*.
Arranfiare, v. *ambranchè*.
Arrangolarsi, v. *sautè an bestia, sul caval mat*.
Arrapinato, agg. *anrabià, rabios*.
Arraspare, v. *raspè, portè via*.
Arrecarsi, v. *arrecarsi ad una cosa, esse dispost, esse rassegnà, adatesse*.
Arrelato, agg. *fait a maja, fait a uso e similitudine d'rei*.
Arrettizio, agg. *sorpreis, opress, malifissia, andemonia*.
Arrezzare, v. *fè ombra*.
Arripare, v. *andè a riva, tochè la riva*.
Arrischiare, v. *tirè 'l roch*.
Arrischievole, agg. *risigos*.
Arrocato, part. *anfraidà, ansari*.
Arroccare, v. *anrouchè*.
Arroncare, v. *ronchè, dèsgerbì*.
Arroncato, part. *dèsgerbì*.
Arrostare, arrostarsi, v. *difendse, agiutesse d'pè e d'man*.
Arrosticiana, n. *carn sala d'animal, cheuite sla brasa o ant la padela*.
Arrostire sulla gratella, *brustoli, brusatè*.
Arrosto, n.; fig. *sciapinada*.
Arrola, arroto, n. *giunta, aggiunta*.
Arrotare, v. *molè, amolè*.
Arrotarsi, v. *affanese*.
Arrotato, part. *molà*.
Arrotino, arrotatore, n. *amolaire, moleta, ciaramolet*.
Arrovellarsi, v. *ancagui- nesse*.
Arroventito, part. *affoà*.
Arruffare i capelli, disordinare i peli del capo e della barba, *scarpentè i cavei, scarpentesse*.
Arruffato, part. *dèscavià, mal pentnà, anguti*.
Arrugginire, v. *piè 'l ruso*.
Arsicciare, v. *abrustoli, brusatè*.
Arsiccio, agg. *ramì*.
Arsione, n. *'l caud d'la freo*.
Artemisiato, agg.: vino artemisiato, *vin confetà con l'artemisia*.
Artetico, agg. *gotous*.

- Artefiziato, agg. *adulterà, faussificà, faussia.*
 Artigliare, v. *sgrafignè, anbranchè, robè.*
 Arzavola (n. d'ucc.), *sarslot.*
 Arzigogolare, v. *fantastichè, sturnichè.*
 Arzigogolo, n. *fantasia, ghiribiss, idea.*
 A salma, a salme, a somà.
 A sbieco, avv. *për sbias, pèr travers.*
 A sbricchi quanti, avv. *a par e dispar.*
 A scacchi, avv. *a quadret.*
 A scaltrimento, avv. *con arte, astussia.*
 A scancio. *V.* A sbieco.
 Asce, n. *apia, piola.*
 Ascella, stretto sotto l'ascella, *streit d'isia.*
 Ascesso, n. *postema.*
 Ascetta, n. *apiot, manera, piolet.*
 Aschioso, astioso, agg. *invidios.*
 Asciare, v.: *asciare le botti internamente, rascè i botaj.*
 Ascia torta. *V.* Ascetta.
 A sciente, avv. *a bela posta, fait espress.*
 Ascolvere, n. *colassion.*
 Ascolvere, v. *fè colassion.*
- Ascolta, n. *sentinela, pichet, fassionè.*
 Asconderello, n. *strem.*
 A scrocco, a scrocchio, a oufa.
 Asfalto, n. *bitum.*
 A sghembo. *V.* A sbieco.
 A sicurtà, fare a sicurtà con alcuno, *tratè con familiarità, con confidensa, con libertà, senza gena.*
 Asimato, agg. *ch' a patiss l'asma.*
 A sodo, avv. *a gerb.*
 Asola, n. *cusidura, orlo d'la botonera fait con d' sedu e sim.; gansa dèl capel.*
 Asolare, v. *piè d' aria, fè la ronda.*
 A solatio, avv. *al mesdi, leugh batajà dal sol.*
 A sommo, avv. *a gala.*
 A soquadro, avv. *a bsach, lo d'sout d'sora.*
 Asparago, spaghero, spargio, n. *spars.*
 Aspergere, v. *sbrincè, sprussè.*
 Aspergine, n. *spruss, aspersion, sbrinc.*
 A spicchi, avv. *a fische, a fiosche.*
 A spilluzzico, avv. *a bërlich, a pëssià.*
 Aspo, n. *davanoira, vindo.*
 Aspreggiare, v. *sbrufè, arbrufe.*

- Asprigno, agg. *bruschet*.
- A squarcia, a straccia sacco, avv. *d' cativ eui, pèr travers*.
- Assassato, part. *lapidà*.
- Assembraglia, n. *fatto d' arme*.
- Assemblare, v. *butesse in ordin, butè in ordin, radunè ecc.; esse simil, sèmiè*.
- Assempiare, v. *copiè*.
- Assennare, v. *avèrti, fè caut*.
- Assentamento, n. *assensa, lontanansa*.
- Assentare, v. *allontanè; assentarsi, allontanesse*.
- Assentatore, n. *adulator*.
- Assenzio di Pontio, n. *in-sens gentil*.
- Asserello, n. *asset, pcit ass*.
- Asserragliare, v. *barè, barichè, baricadè, assicuré con d' bare*.
- Asserragliato, part. *baricà, assicurà con d' bare*.
- Asserto, n. *assersion, affermassion*.
- Assestamento, n. *ardriss, ordin, ciadel*.
- Assestare, v. *butè a so post, ciadlè, ardrissè, dè ardriss*.
- Assettare, v. *fè vni sè*.
- Assettare. V. Assestare.
- Assettare uomini, v. *castrè*.
- Assettarsi, v. *stesse; abelisse, atillesse, agiustesse, acomodesse, arangesse, tiffesse*.
- Assettatamente, avv. *con bel ordin, butà polid*.
- Assettaluzzo, n. *afetà ant l'abit*.
- Assetto, n. *parura, montadura, ciadel, ardriss, ordin*.
- Assevato, part. *congelà, cojà*.
- Assicella, n. *asset, pcit ass, pancl*.
- Assiderato, part. *reidi, agroupi, angrumli, dèrnà*.
- Assillare, v. (dicesi delle bestie bovine quando smaniano per puntura d' assillo), *arsiè*.
- Assillo, n. *vespa, moscon, tavan, calabron*.
- Assisa, n. *divisa, livrea*.
- Assito, n. *stèbi d' ass, antèrmes d' ass*.
- Assivolo (n. d' ucc.), *sivitolà, sitolà, sivèta*.
- Assodato, part. *angèrbì*.
- Assolato, part. *batù dal sol, espost al sol, al mesdì*.
- Assolcato, part. *lavorà*.
- Assoldare, v. *ingagiè, arrolè*.
- Assomarc, v. *cariè na soma*.

- Assonnare, v. *fè vni seugn.*
 Assonnato, part. *ansignocà, insignochi, ansupi.*
 Assordare, assordire, v. *anciorgni, anlochì, fè perde la testa, sbalordì, anlordì, sturdì.*
 Asta, n. *mani d'l martel; (t. d'agr.), stiva, steiva.*
 Astemio, n. *ch' a beiv nen d'vin.*
 Astergente, agg. *ch' a lava, ch' a nētia.*
 Astersivo, agg. *ch' a l' a la virtù d' nētiè.*
 Asticciuola, n. *mani d'l pnel; bachēta d' parasol.*
 Asifero, n. *porta 'nsēgna.*
 Astore, n. (ucc. di preda), *capastr, farcton*
 A stormi, avv. *a boucc, a stroup.*
 Astrattaggine, n. *distraction.*
 Asuro (n. d'insetto), *tajapè.*
 A tempo nuovo, avv. *a la bela stagion.*
 A traffico, avv. *tutt' affait, d' pianta.*
 Attaccagnolo, appiccagnolo, n. *cavia, rampin.*
 Attagliare, v. *vni a tai, cononi, affesse.*
 Attappinarsi, v. *lamentesse, crussiesse.*
 Attare, v. *adatè, acomodè.*
 Attato, part. *adatà, dispost.*
 Attecchire, v. *vni su ben, prosperè.*
 Attemperato, part. *adatà.*
 Atterzare, v. *ridue al ters.*
 Atticciato, agg. *antossà, tècc, compress, grass, bin piantà, trosson.*
 Attignere, v. *tirè d'acqua, gavè, piè, tirè a 'ndvinè.*
 Attignitojo, n. *sia, sigilin.*
 Attilato, agg. *an chiche-ra, ben tiffà, archincà, ardrissà.*
 Attinto, part. *tirà fora, gavà.*
 Attitare, v. *ancaminè o prosegui j'atti giudissiarri.*
 Attizzatojo, n. *mole, strument per tissè 'l feu.*
 Attocciato, part. *satì.*
 Attopato, agg. *pien d'rat.*
 Attorcigliare, attortigliare, v. *antërtojè.*
 Allora, n. *aministrassion, agenssia.*
 Attorneggiare, v. *piè an mes; circondè, contornè, atornè, andè atorn.*
 Attortigliato, part. *antërtojà, torsù, storsù.*
 Attoso, agg. *affetà.*
 Attrappato, part. *ch' a peul pi nen bogè, antropà, atrapà.*

- Attrarsi, v. *argrignesse*, e fig. *arbèchè*, *arvirè i dent*, *rèspònde ciò pèr broca*.
- Attratto, part. *arpreis*, *ar-grignà*, *dernà*.
- Attuare, v. *ridue a l'atto*, *butè an pratica*.
- Attuato, part. *ridout a l'atto*.
- Attutare, attutare, v. *mitighè*, *smorsè*; *sforsè a tasi*.
- Attulito, part. *stramurti*, *sforsà a tase*.
- A tutta carriera, avv. *a spron batù*, *a pansa tera*.
- Aggiare, v. *fè ombra*.
- Aggiato, part. *ombros*.
- Aunicare, v. *sgrasigné*, *grinfè*, *portè via*.
- Auricome, n. *ch'a la i cavei d'or*, *o d'l color d' l'or*.
- Aurino, agg. *d'or*, *o simil a l'or*.
- A valle, avv. *a bass*, *a l'ingiu*, *'ngiu*.
- Avania, n. *impost forsos*, *agravi*.
- Avanotto, n. *senplicion*, *chèrdenson*; *pcili pess d' fium*.
- Avanzare i piè fuor del letto, *avansesse niente*, *mangè tut*, *fè arlan dè tut*.
- Avanzaticcio, avanzuglio, n. *vansoi*, *fondrium*.
- Avanzatile, agg. *capace d'avansesse*, *d'andè anans*.
- A veggente, avv. *a vista*, *an publich*.
- Avello, n. *tombin*.
- Avère a sè, v. *fè vni quai-cadun*, *mandè a ciamè*.
- Aver della chiella, *desse d'arie*, *avei d'arie aute*, *avei d'ton*.
- Avere dal suo, *avei da soa part*, *dèl so partì*, *chi a ten da la soa*.
- Aver grado, *esse ben obligà*.
- Aver gran fava. V. Aver della chiella.
- Aver grazia con alcuno, *fesse amè*, *esse ant la mania*.
- Aver in grado, *agradì*.
- Aver ingrossata la coscienza, v. *avei le manie larghe*.
- Aver la mattana, il cimurro, v. *esse d'cattiv umor*, *bate la luna*.
- Averne sentito buzzicare, v. *aveine senti parlè*.
- Aver per andato, v. *avei pèr mort*, *tni pèr mort*, *pi nen conteie ansima*.
- Aver posta di uno, *savei dov'a l'è*, *dova ciapelo*.
- Avorno, n. *ambourn*, *bosch dur*, *bon a fè d'travai*.

- Avveniticcio, veniliccio, n. *forèstè, coul ch'a abita da poch temp ant un pais.*
- Avventato, agg. *lourd, lourdon, spensierà.*
- Avventore, n. *posta, aorent.*
- Avversatore, n. *contrari, nemis.*
- Avviato, part. *ancaminà.*
- Avvignare, v. *fè na vigna.*
- Avviso, dare avviso di ricevuto, *accusè la ricevuta.*
- Avvistare, v. *guardè attentament.*
- Avvistato, agg. *vistos, d' bela aparenza, elegant.*
- Avviticchiare, v. *antiertojè, antortignè.*
- Avvitire, v. *piantè d'vis.*
- Avvizzare. *V. Ammoscire.*
- Avvizzare, ammoscire, v. *vni pass, floss, biet.*
- Avvizzato. *V. Ammoscito.*
- Avvolpacchiare, v. *anvulpè, ambrojè, anfnrojè, tirè ant la trapola.*
- Avvolpinare. *V. Avvolpacchiare.*
- Azza. *V. Ascetta.*
- Azzannare, v. *morde, piè ciapè con i dent, de d'ganassà.*
- Azzaruola, azzeruola, n. *lasarola, frut.*
- Azzeccare, v. *afrontè, tachè d' front.*
- Azzicare, v. *meuve, bogè; azzicarsi, meuvse, bogesse.*
- Azzimarsi. *V. Allindarsi.*
- Azzittare, v. *fini d' parlè, terminè 'l descours.*
- Azzollare, v. *bate a colp d' massa le moute.*
- Azzoppare, v. *stropiè, andè sop, sopiè.*
- Azzuolo, n. *color bleu, asur.*

B

- Babbaccio, n. *fabioch, material, timbala.*
- Bacalare, baccelliere, n. *ch'a l'a pià 'l bacalauro, ossia i gradi an quaich facoltà.*
- Bacano, n. *ciabrissà, tapagi, rabadan.*
- Bacare, v. *fè d' verm.*
- Bacaro (n. d'erba), *rampon.*
- Bacaticcio, agg. *verminos; fig. svojà, ojà, malatiust, ineomodà.*
- Bacato, agg. di pers. *sana scrussia; verminos.*